

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A ASOCIACIÓN PRODEME PARA A CONSTRUCCIÓN DE VIVENDAS RESIDENCIAIS PARA PERSOAS CON DISCAPACIDADE E CENTRO OCUPACIONAL – NAVE INDUSTRIAL PARA DIVERSOS PROCESADOS DA MADEIRA NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA, NEXTGENERATIONEU, NO EJERCICIO 2026

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

PRODEME, entidade de natureza asociativa, figura inscrita no Rexistro de asociacións co número 2016/020458-1, conforme á Lei orgánica 1/2002, do 22 de marzo, reguladora do dereito de asociación.

A entidade figura recoñecida e inscrita como entidade de iniciativa social no Rexistro de Entidades Prestadoras de Servizos Sociais có número E-0094.

PRODEME é unha asociación sen ánimo de lucro, creada no ano 1980, cuxa misión principal é prestar apoios e servizos ás persoas con discapacidade intelectual para potenciar as súas capacidades e mellorar a súa calidade de vida e a das súas familias.

A misión de PRODEME responde á necesidade de dar resposta á problemática das persoas con discapacidade intelectual, calquera que sexa o seu grao, idade ou sexo.

O Consello Europeo aprobou o 21 de xullo de 2020 a creación do programa NextGenerationEU, como instrumento de estímulo económico en resposta á crise causada polo coronavirus.

O 10 de novembro de 2020, o Parlamento Europeo e o Consello alcanzaron o acordo sobre o paquete de medidas que inclúe os fondos de NextGenerationEU e o Marco Financeiro Plurianual 2021-2027, creándose o Mecanismo Europeo de Recuperación e Resiliencia, como instrumento de apoio aos Estados membros a través de transferencias directas e préstamos para incrementar os investimentos públicos e acometer reformas para paliar os devastadores danos producidos pola COVID-19.



O Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, sinala que os Estados membros elaborarán plans de recuperación e resiliencia nacionais para acollerse a este e alcanzar os obxectivos establecidos e presentárase formalmente polos Estados, como moi tarde o 30 de abril de 2021.

En virtude da Resolución da Subsecretaría de Asuntos Económicos e Transformación Dixital do Ministerio de Asuntos Económicos e Transformación Dixital do 29 de abril de 2021, publícase o Acordo do Consello de Ministros do 27 de abril de 2021, polo que se aproba o Plan de Recuperación, Transformación e Resiliencia, que define as estratexias a seguir no desenvolvemento dos fondos europeos de recuperación (*Boletín Oficial del Estado* número 103, do 30 de abril de 2021).

Este convenio encádrase no marco do Mecanismo de recuperación e resiliencia, dentro do eixe/compoñente 22: economía dos cidadáns e reforzo das políticas de Igualdade e inclusión social, medida/investimento I1: Plan de apoios e coidados de larga duración: desinstitucionalización, equipamentos e tecnoloxía, submedida: transformación da rede de coidados de larga duración a través da construción, adquisición, reforma e modernización de equipamentos, do Plan estatal de recuperación, transformación e resiliencia, financiado pola Unión Europea- NextGenerationEU, e no cumprimento da normativa autonómica, estatal e da Unión Europea que regula este tipo de investimentos, e quedan suxeitas, en todo caso, ao cumprimento, execución e realización dos obxectivos do referido plan. Encádrase no proxecto "Renovación o construción de centros residenciais, no residenciais y de día para adaptar plazas al nuevo modelo de cuidados de larga duración, - Subproyecto del Objetivo 323 de la Comunidad Autónoma de Galicia".

O obxecto do presente convenio é a colaboración por parte da Consellería de Política Social e Igualdade con PRODEME a través da concesión directa dunha subvención destinada ao financiamento dos gastos derivados da construción dunha edificación para vivendas residenciais para persoas con discapacidade para dar resposta a unha demanda crecente . A edificación que se proxecta sitúase no núcleo urbano de Monforte de Lemos e consta de 34 vivendas adaptadas. Son 34 apartamentos, dos cales 30 son de dúas habitacións (4 prazas cada un) e 4 dunha soa habitación (2 prazas cada un).

Adicionalmente prevese a execución dun Centro ocupacional – nave industrial, no Polígono Industrial de Reboredo en Monforte de Lemos (Lugo), nas que se van a desenvolver actividades de aproveitamento industrial da biomasa a través dun centro ocupacional onde persoas con discapacidade intelectual reciben atención e terapia ocupacional e de emprego, na que se realizarán diversos procesos de tratamento da madeira.

1. Considéranse actuacións subvencionables os gastos derivados da execución por parte da entidade PRODEME, da construción dunhas vivendas residenciais e do centro ocupacional para persoas con discapacidade.



2. En concreto, serán subvencionables as seguintes actuacións:

- a) Movemento de terras
- a) Cimentación
- b) Estrutura
- c) Cerramentos e albanelaría
- d) Cuberta
- e) Solados e alicatados
- f) Illamentos e impermeabilizacións
- g) Revestimentos e falsos teitos
- h) Carpintería interior e exterior
- i) Fontanería e saneamento
- j) Electricidade e telecomunicacións
- k) Gas e Ventilación
- l) Protección contra incendios
- m) Pinturas
- n) Control de calidade
- o) Xestión de residuos
- p) Seguridade e saúde
- q) Urbanización e acondicionamento parcela

3. Considerarase subvencionable o imposto sobre o valor engadido (IVE) cando non sexa recuperable pola entidade solicitante.

4. Non serán subvencionables os gastos aos que se refire o artigo 29.7 da Lei 9/2007, do 13 de xuño, de subvencións de Galicia, como non subvencionables.

Para o cumprimento da finalidade prevista na cláusula primeira deste convenio a Consellería de Política Social e Igualdade achegará un total de dous millóns de euros (2.000.000,00€), dos cales 1 millón irá destinado a financiar o centro ocupacional e outro millón as vivendas residenciais, que serán imputados ás aplicación orzamentaria 08.04 312D 781.0 dos orzamentos xerais da comunidade autónoma de Galicia para o exercicio 2026.

As actuacións a subvencionar a través deste convenio, recollidas na súa cláusula segunda, adecúanse ao ámbito competencial da Consellería de Política Social e Igualdade previsto no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política



Social e Igualdade, e as específicas necesidades inherentes ao colectivo ao que van dirixidas. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións resultando xustificada a imposibilidade de promover a concorrência pública en relación ao artigo 19.4 c) da Lei 9/2007, do 13 de xuño, e o Decreto 11/2009, do 8 de xaneiro.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

